

柳州府志卷之一

星野

附氣候

機祥

堯典以中星定四時而占星之術著周禮保□氏以星土辯九州而分野之說行繇來尚矣後世推測未精占驗亦未盡符於古羣儒聚訟往往疑分野為不足憑然九州上應星土三百六十五度皆有所屬則隨其土之所屬應其星之所臨雖小而郡縣不能外此星躔也況書雲物眊氛禋覘氣候察機祥胥於是乎在志天文

柳州府志

卷之一

星野

附氣候機祥

一

柳州府禹貢荊州之域軫宿分野

軫宿考

軫宿四星名天車距右內星云極百三度半入軫初度凡十七度赤道十九度三分黃道十九度五分起張中翼終軫十一度為鶉尾  
附軫宿所屬諸星

長沙一星在軫中去極百五度入軫二度

軍門二星在軫右前距西星去極百十二度半入翼十三度

土司空四星在軍門之南距南星去極百二十度  
入翼十四度

器府三十二星在土司空之南距右星去極百三  
十七度半入翼十八度

右轄一星去極百十度半入翼十六度半

左轄一星去極百一度半入軫六度

青邛七星去極百二十三度入軫五度

劉歆三統歷起張十三度至軫五度漢書律歷志  
初張十八度中翼十五度終軫十一度費直說周

柳州府志

卷之一


星野

附氣候機祥

二

易初張十三度至軫十七度蔡邕月令章句起張  
十二度至軫六度陳卓景初歷起張十七度至軫  
十一度皇甫謐帝王世紀起張十八度至軫十一  
度一行大衍歷起張十五度中翼十二度終軫九  
度明大統歷起張十五度終軫九度  
柳州府分野屬軫三度

軫宿圖



柳州府志

卷之一

星野

附氣候機祥

三

按翼軫俱稱鶉尾以南方朱鳥七星言之井鬼為首此為尾也宋蔡戡宗僧一行之說謂嶺南之地分野所屬其西界當屬荊州鶉尾之次立論最當但合荊楚而言則翼與軫並稱今專論粵西不必溷言翼軫也省志稱靜江府在漢雖屬零陵郡其實古之越地於星文則皆屬鶉尾據晉志靜江當軫之十一度又云軫四星之中別有一星名長沙而禮記正義所引緯書考靈耀云一度二千九百三十二里有奇軫星共十七度今靜江去長沙纔

一千餘二十里則當軫之十一度斷可識矣夫靜江即今之桂林也自桂至柳三百二十里以一度二千九百三十二里計之則軫宿十七度當得三萬九千八百四十里有奇即粵西通省皆在範圍之內矧在柳言柳可無專屬耶

國朝周天易覽以順治乙未十一月冬至為歷元而軫三度至十七度為廣西分野又張莊愚所著元象易覽以軫三度至十三度二分為廣西布政司所轄分野二書俱不及翼宿叅觀益信

柳州府志 卷之一

星野

附氣候機祥

四

星野辨

日月之餘氣散而為星其大者為五星次則二十八宿所謂天無體以二十八宿為體者也列宿環絡三垣成三百六十五度周天之數而四宮之度多寡不均與日相當則其度廣不與日相當則其度狹也宿各有所統之星可名者凡百十八其伏見明晦及五星所行犯守陵歷皆與人事相驗故古有占星之術當時未聞分土而屬之自周禮保章氏以星土辨九州之地所封之域皆有分星以

觀妖祥而分野之說由此始用亢氏為兗房心為  
豫尾箕為幽斗牛女為揚□危為青室壁為并奎  
婁胃為徐昂畢為冀觜參□益井鬼為雍柳星張  
為三河翼軫為荆夫周禮固漢儒之書非周公作  
也職方氏之九州有幽并而無徐梁既非高陽氏  
及禹貢之舊又非舜十有二州之全已為可疑職  
方無三河益州而保章有之又自為矛盾也況豫  
居中土而房心在東揚州居東南青州居東而斗  
牛女虛危皆在北徐亦近東而奎婁胃在西冀益

皆居北而昴畢觜參在西南其位有合有不合矣  
呂覽所載與周禮不類曰角亢氏周也房心尾齊  
也箕斗牛魯也女虛危室燕也奎壁婁衛也胃昂  
畢秦也觜參井晉也鬼柳星楚也張翼軫越也分  
國之說又始於此其所配較為近理而世無用之  
者則又有言分國者元枵為齊星紀為吳越析木  
為燕大火為宋壽星為鄭鶉尾為楚鶉火為周鶉  
首為秦實沈為魏大梁為趙降婁為魯娥訾為衛  
夫星果有分國上古當已分之唐虞夏商封建異

同分野將以代易乎且周初封國亦多矣如陳杞為三恪何不載而獨載此十二國彼千百國皆君也何遽不關天象豈天以其弱小而遺之乎周天子也而與侯國分列夫豈天道且此為西周乎東周□西周之時無秦且無鄭雍州當屬周分何以先屬秦也周家一代之治不以其盛時分野而分於六七縣之時可乎此東遷之後甘德石申之徒以意為之也况侯國得失不常將天因人之所據而分之乎抑人因天之所分而爭之乎一二年間

條彼條此分野究竟何從豈分名一定不可復變而地雖歸秦星仍屬趙魏地雖歸楚星仍屬魯衛乎班志又有曰甲齊丙楚戊魏己韓庚秦壬燕是與前刺謬矣又曰子周丑翟寅魏卯鄭辰邯鄲巳衛午秦未中山申齊酉魯戌吳越亥燕代夫干支之方位即元枵星紀之方位乃此齊而彼周此衛而彼越且此有而彼無將安所折衷吾不知京房張衡諸人何信於此而宗之也信之者曰房宋毫分也星聚房而湯王殷柳河洛分也星聚柳而武

造周夫湯誠居亳矣武未戡殷豈常居洛哉而以此附會其說乎熒惑守心子韋以為宋分因景公有人君之言而徙三度景公非天子善言非實德也宋之不競已甚乃於星則如此感召之速或者心之本不關宋也熒惑守斗而呂嘉南越之釁成斗固越分然齊主不嘗被髮下殿以厭之而北魏不且應之乎獨可以越當之哉必欲取適焉相符者而一一合之未可也且左氏之言分野已無確見矣星孛大辰次在房心宋分耳於衛陳鄭何與

柳州府志

卷之一

星野

附氣候機祥

七

而皆火乎舍娵訾壽星不言而推之太皞顓頊所謂浮夸者也賈氏謂受封之日歲之所在其國屬焉既以屬受封之歲則不宜更屬國土之星此二說者奈何並行也元初中客星在南斗占曰水飢既而渤海大水則箕一度瑯琊飢則奎一度此于斗何涉焉元封中燭星見奎婁占曰有土功既而築遼東城為尾箕度於奎婁何涉焉而皆以之牽合何矯誣也一行又謂天下山河之象存乎丙□自三危抵朝鮮為北戒自岷山抵甌閩為南戒河

源自北紀之首東合涇濟為北河江源自南紀之首南合漢淮為南河宏農分陝為兩河之會故觀兩河之象與雲漢之所始終而分野可知此其說為地勢立論則可為星分言之則不可古之十二州其地甚小所謂吳越不過至會稽而止楚之黔中乃辰州地迨秦漢以後始有甌越閩越東粵夜郎鎮黔之域曩時分野何由遽及而近代因端循委分配無遺不自知其言之過也如開封汝寧止河南之二郡□配角亢氏三宿得三十六度徐州

柳州府志

卷之一

星野

附氣候機祥

八

配房心二宿得十度矣而北京至遼陽朝鮮僅配尾箕二宿得二十九度江南江西浙江福建廣東地六千里而遙僅配斗牛女三宿得四十六度廣狹非倫也天地之所分如此其不均乎列宿各有所主司馬氏天官書言之詳矣又何沾沾於分土且三垣天子之宮北斗為尚書之府必非侯國所占而亦曰雍主魁冀主樞青兗主璣徐揚主權荊主衡梁主開陽豫主瑤光斯又奚取焉羲和之書為秦所燔漢儒得於記誦與夫殘編斷簡中從而

推之遇有缺失隨以意補後之博物君子又從而  
衍之持之有故言之成理若以為必然則未也天  
象之妖祥聖人尚慎言之乃欲以區區數國遂分  
定星躔必不然矣然則分野可廢乎是又不然豫  
章人占王氣在臨安雷煥占劍氣在豐城有善測  
者寸而析之不專於星而兼以辰與度可也鄭康  
成之註周禮曰州中諸國於星又有分書今惜其  
書亡矣劉伯溫分類書未知盡其術否必欲言分  
野當以一行之言為正一行曰星之與土以精氣

柳州府志

卷之一

星野

附氣候機祥

九

相屬而不係於方隅是也若夫聖王奉若天道則  
斷不可以此為解也

段又  
襄識

按省志與象州志有引下台司命一星天市垣  
第一星五車中央一星者原本之晉宋志要指  
楚而渾言之耳今因楚而及粵又因粵而據為  
柳州之分星失之夸矣即貞觀八年唐太宗亦  
稱地當柳星之次分野改稱柳州似與史記占  
於烏衡句脗合然至明皇即為改易則在當時  
已不能無議又如李淳風輩素稱專家亦無稱

述之者其乙巳占則以大別為柳九江為翼敷  
淺源為軫雖其義不見于國史天文志亦可知  
柳之不屬於柳而翼與軫之各有分屬明矣  
氣候

柳州地近桂林山水清曠風氣與中州不甚異  
馬平大江環繞地氣疏豁故無瘴癘寒少熱多風  
景屢變故冬月晴和時覺燥熱夏日陰雨亦復清  
涼

雒容與桂林之永福接壤 按永福縣志云□多

柳州府志

卷之一

星野

附氣候機祥

十

濕熱氣候不齊遇晴輒暖一雨輒涼又夜多寒而  
日常暖故一歲之中臥必擁被雖盛夏亦然三冬  
近亦見雪積地封條主來歲豐稔

柳城距府六十里氣候相同

融在柳州上游氣候與湖湘不殊 按清湘志云  
地據高爽沙水清駛節候與江浙類昔人所謂風  
土和平同中州清淑者也霜雪時降瘴癘不作號  
稱樂土

羅城本融水縣舊隸融州其氣候亦畧似

懷遠在柳州西北氣候常寒柳無雪而懷則有雪  
多崇山峻嶺邃谷寒生即盛夏亦無溽暑春秋二  
分居必挾纒故五穀不再熟  
象州山水清曠似郡城氣候易暖多陰夏無酷暑  
冬無沍寒春秋則涼暖不時大約連朝陰雨則夏  
亦加衣赤日行空則冬可用扇朝暮寒燠數更攝  
生者宜汗不宜趨爽凡山林水石之氣易於蒸鬱  
如早晚遇有黑霧冷氣急宜避忌若貪涼飲冷多  
為所中

來賓地接馬平山水平行五穀易茂與柳城俱為  
產穀之區氣候亦同

南方地卑而土薄土薄故陽氣常泄地卑故陰氣  
常盛陽氣泄故四時常花三冬鮮雪一歲之中暑  
熱過半人居其間氣多上壅膚多汗出腠理不密  
蓋陽不反本而然陰氣盛故晨昏多霧春夏雨霪  
一歲之間蒸濕恒多衣服皆生白黻人多中濕肢  
體重倦成腳氣等疾蓋陰常盛而然陰陽之氣既  
偏而相搏故一日之內氣候屢變諺云四時皆似

夏一雨便成冬歲使然也大抵天地之氣極北寒勝極南熱勝五嶺以南號曰炎方左右兩江地居平曠者猶或差勝若城依岩谷或近卑濕崎嶇阨塞有近午方見日者至若蠻溪獠崗草木蔚蒼虺蛇出沒江水有毒瘴氣易侵春三月青草瘴四五月黃梅瘴六七月新禾瘴八九月黃茅瘴又曰桂花瘴菊花瘴商旅氓隸觸熱征行與夫飲食起居不節者每為所中調攝之功宜加謹焉夫病之中人每乘氣虛而入元氣盛則邪氣無由而侵猶君

柳州府志

卷之一

星野

附氣候機祥

十二

子盛則小人無自而進此養生第一義也蓋不獨

瘴鄉然也

李西美  
攝生論

按桂海虞衡志云二廣惟桂林無瘴自是而南皆瘴鄉通志則云寒暑應候近郡皆同中土惟泗城西隆等處稍有瘴氣均非定論夫山巒之氣鬱而為嵐所在多有桂林何曾無瘴唐人詩云桂嶺瘴來雲似墨其明証也柳州一郡初至之人不服水土視其所稟厚薄以為久暫正二月間春雨驟漲清晨即汲江水食之多致腹疾每日間遇南風則

暖北風則寒或陰晴屢換則寒暖屢易又日多暖而夜多寒一歲之中卧必擁被雖盛夏亦然暑夜最忌露坐熱極切莫當風稍知調攝則外感自不能入即如泗城西隆等處要惟清心寡慾自可祈天永命若以患得患失之人處之鮮有不為所中者故觀梅昭州五瘴之說可無咎乎地靈之有偏也

附五瘴說

仕有五瘴避之猶未能也急征暴斂剝下以奉上

柳州府志

卷之一

星野

附氣候機祥

十三

租賦之瘴也深文以逞良惡不白刑獄之瘴也晨昏荒宴廢弛王事飲食之瘴也侵牟民利以實私儲貨財之瘴也盛陳姬妾以娛耳目帷簿之瘴也有一於此民得以怨之神得以怒之而後逆氣成象俾安者疾之疾者殛之以示天戒雖日在輦轂下亦不可遁矧荒遠乎世之仕者或不自知五瘴之過且歸咎於土瘴豈不謬與

機祥

唐

太宗貞觀十七年閏六月柳州言慶雲見  
憲宗元和十四年八月丁丑歲星太白辰星聚於  
軫占曰兵喪在楚分與南方夷貊之國

懿宗咸通三年柳州馬生角

宋

太平興國間象州文廟產芝二莖五色俱備

真宗景德四年秋八月象州居民圃內芥菜生蓮  
花是年牛災

大中祥符三年甘露降柳州

柳州府志

卷之一

星野

附氣候機祥

十四

哲宗元佑七年柳州禾合穗

高宗紹興五年象州大饑李實變為桃

孝宗淳熙十一年象州旱民饑

元

大德九年象融柳三州旱十年三月四月柳州民  
饑給糧

泰定帝元年十一月象州饑

致和元年秋七月廣西兩江諸州水

至正十九年象州大旱

明

洪武中馬平虎噬人知縣張霖禱於城隍捕之患乃息

代宗景泰元年大饑四年冬柳州大雪

英宗天順七年秋七月乙未象州地震八年大饑孝宗宏治元年三月壬申夜融縣雨雹壞城垣及軍民屋舍死者四人十三年秋八月十一夜融縣大星長丈餘自西南隕於西北又鼠殺稼十四年融縣地日炎如暑夜寒如冬秋八月丙辰融江水

柳州府志

卷之一

星野

附氣候機祥

十五

紅濁如黃河民大疫

武宗正德三年象州民何洪妻王氏一產三男十二年夏四月十二日來賓晝晦大雨雹破屋折木殺鳥雀十四年柳州大饑融縣尤甚

世宗嘉靖四年象州大風雨官署城樓民舍多傾壞漂没行舟

神宗萬歷元年融縣清流鎮南寨一帶村鄉虎出害人數年乃息虎三五成羣途間數十人行就中搏一人而去置之復來逐取人晚踰垣升屋晝於

村旁搏噬無虛日時倉官莫賽經置鎮建醮禳之錄被害者附醮壇薦度已得男婦老幼三百餘又數年乃息不啻千餘命矣厥後數十里田荒人竄村落坵墟二年懷遠虎為害大疫四年三月象州雨雹大如雞卵七年象州旱饑十五年融縣饑長安鎮虎災舊鎮上樂極村男婦凡五十口噬之餘十八人別村未若是酷者有靖州獵師至得四虎其虎乃息融虎傷例請師巫超度亡化故師巫利之每誑民此虎乃馮家所放神虎不殺殺之將自

及愚民信之間有得虎者奸滑恐以皮不送官將舉首爾故益惕惕不敢加一矢二十年冬十月懷遠縣鵲巢文廟殿中大如蓋三十二年六月馬平地震四十年柳城大水城被浸者數尺四十一年融縣大疫四十五年柳州大旱融縣尤甚人民死亡相繼鬻賣男女不下數千人鐵爐廂及上郭供辰坊北城脚煙火之地盡為坵墟明年未復業知縣應懋璜代輸糧賦四十六年柳城大饑四十七年馬平大疫

懷宗崇正八年融縣大水入城

國朝

順治四年馬平大水居民多漂沒八年大饑馬平斗米五錢懷遠米三筒值銀一錢九年七月馬平槎山崩十二年馬平虎出噬人至己亥年始息十三年柳城大水

康熙四年懷遠饑知縣向大觀詳請撫院金光祖發庫銀一千兩賑濟十一年馬平大水十二年馬平振柳營民家扁豆枝生桃十九年柳城大旱二

柳州府志

卷之一

星野

附氣候機祥

十七

十年馬平柳城大疫二十二年五月懷遠水入南門知縣袁沛禱之乃退秋無禾二十三年馬平大水六月柳城天埠村石人潭有龍自潭飛入雲際懷遠饑知縣袁沛煮粥賑之二十五年懷遠米貴知縣袁沛借庫銀三百兩買米平糶文詳請賑濟民以全活三十年柳城大旱三十四年正月地震馬平南門河下火延燒大南門城樓及城內府頭門盡燬三十五年柳城虎患西鄉寶洲二處尤甚三十七年柳城疫五十二年柳城饑五十三年馬

平雒容柳城大水沿江廬舍田園漂沒殆半五十九年旱

雍正元年春三月融縣雨雹是年大有三年馬平小南門火延燒城內三百餘家八年象州產嘉禾一莖五穗九年七月慶雲見柳州五色映日自午至未光彩異常

乾隆五年二月柳州大雨雪是歲有年夏五月義寧蠻吳金銀謀反伏誅十年十一月柳州雪二十八年七月象州猺山出蛟發水大樟等村莊廬舍

柳州府志

卷之一

星野

附氣候機祥

十八

間有被淹巡撫馮鈐親往查勘發帑賑恤

柳州府志卷之一終